

Na osnovu člana 2. Zakona o udruženjima i fondacijama Bosne i Hercegovine ("Službeni glasnik BiH" broj: 32/01), registrovana pravna lica kao osnivači i to: «Sine Qua Non» d.o.o. Agencija za zastupanje i zaštitu autorskih prava (Društvo za pružanje intelektualnih usluga, za zastupanje i zaštitu autorskih prava d.o.o. Sarajevo), sa sjedištem u Sarajevu, ulica Branilaca Sarajeva 47, Asocijacija kompozitora-muzičkih stvaraoca, sa sjedištem u Sarajevu, ulica Obala Kulina Bana broj 23/II i Udruženje glumaca, sa sjedištem u Sarajevu, ulica Maršala Tita broj 54, dana 16.02. 2004. godine u Sarajevu, zaključuju

S P O R A Z U M

o osnivanju udruženja za kolektivno ostvarivanje i zaštitu autorskog i srodnih prava

Član 1.

Ovim Sporazumom se osniva udruženje za kolektivno ostvarivanje i zaštitu autorskog prava i srodnih prava, kao ne profitna organizacija, sa svojstvom pravnog lica.

Član 2.

Puni naziv udruženja je:

Udruženje «Sine Qua Non», za kolektivno ostvarivanje i zaštitu autorskih i srodnih prava

Skraćeni naziv udruženja je: «Sine Qua Non»

Naziv je izveden iz latinske izreke «Conditio sine qua non».

Sjedište udruženja je u Sarajevu, Branilaca Sarajeva broj 47.

Član 3.

Ciljevi udruženja su:

- kolektivno ostvarivanje i zaštita autorskog i srodnih prava u zemlji i inostranstvu;
- unapređenje kolektivnog ostvarivanja autorskog i srodnih prava u Bosni i Hercegovini u skladu sa Zakonima Bosne i Hercegovine i međunarodnim dokumentima, standardima i opštepoznatom praksom;
- saradnja sa drugim udruženjima i organizacijama za kolektivno ostvarivanje autorskog i srodnih prava;
- poticanje i razvijanje stručnih i kolegijalnih odnosa među članovima udruženja;
- pružanje stručne pomoći članovima udruženja u ostvarivanju njihovih prava;
- aktivnosti u skladu sa zakonima Bosne i Hercegovine koje su u direktnoj vezi sa ostvarivanjem ciljeva.

Član 4.

Udruženje ima Statut, na osnovu kojeg će se donijeti opšti akti u skladu sa Zakonom, Statutom i međunarodnim standardima za kolektivno ostvarivanje autorskog prava i srodnih prava.

Član 5.

Djelatnost kolektivnog ostvarivanja autorskog i srodnih prava je ne profitna. Poslove iz djelatnosti kolektivnog ostvarivanja autorskog prava i srodnih prava za Udruženje, *ex officio* vrši redovni član udruženja specijalizovano pravno lice „Sine Qua Non“ d.o.o. Agencija za zastupanje i zaštitu autorskih prava kao stručna služba udruženja za kolektivno ostvarivanje i zaštitu autorskog prava i srodnih prava i to u skladu sa zakonima i međunarodnim standardima.

Član 6.

Ovaj sporazum stupa na snagu danom potpisivanja.

Osnivači:

1. "Sine Qua Non" Društvo za pružanje intelektualnih usluga, za zastupanje i zaštitu autorskih prava d.o.o. Sarajevo



Amela Hadrović-Hasanefendić M.P.



Prilog:

Ovjerena kopija Registracije i
Ovjerena kopija Odobrenja IP 5694/02-1 SŽ

2. Asocijacija kompozitora muzičkih stvaraoca




Esad Arnautalić M.P.



Prilog: Ovjerena kopija Registracije

3. Udruženje glumaca



Aminā Begović



Prilog: Ovjerena kopija Registracije

Sarajevo, 16.02. 2004. godine
Broj: 01/04